

Seneca l. 7. c. 11. eos frequentissimè circa Septentrionem fieri contendit, & Plinius l. 2. c. 25. omnes ferè sub Septentrione oriri, aliquā ejus parte non certā, sed maximè in candidā, quæ lactei circuli nomen accepit. Et sanè, uti boreale hemisphærium pluribus fixis stellis quam australe præditum est, & Sol in eo per 8 circiter dies longius versatur, præterea etiam plus terræ habitabilis inibi deprehenditur, ac major & melior humani generis pars; ita maximè verisimile esse non immeritò putat Ricciolus in Almag. novo, Tom. I. l. 8. majorem imò maximam Cometarum partem citram æquatorem vel toto vel majore suæ durationis parte extitisse, cum his regionibus plura cœlitùs significari congruum sit. Intervim tamen nulla est plaga, ex quā non certi quidam Cometæ vel in oppositam vel in collateralem abierint. Nam ut ex multis paucos tantum & recentiores afferamus, ab oriente versus occidentem sed obliquè magis versus septentrionem transiit Cometa Anni 1618. qui spectatus manè paulò ultra ortum æquinoctialem ex Librâ per Bootem ad caudam Ursæ minoris profectus est: contrà ab occasu versus ortum Cometa anni 1585 ab Illustrissimo Principe WILHELMO Landgravio Hassiæ tūm etiam à Tycho notatus, qui inter occasum æquinoctialem & æstivum ortus à lino piscium per Arietem ad Tauri dorsum progressus est: A meridie in septentrionem novus hic noster cursum direxit: A septentrione versus meridiem abiisse Cometam anni 1313 Jo. Prætorius testatur, versus orientem verò & occidentem ex eodem septentrionis cardine aliquos se inflexisse scribit Seneca l. 7. natural. qq. c. 21. *Hic, inquiens, quem nos Neronis principatu letissimo vidimus (anno 64) in diversum illi Claudio (anno 54 viso) circumactus est: ille enim à septentrione in verticem surgens orientem petiit semper obscurior; hic ab eadem parte cœpit, sed in occidentem tendens ad meridiem flexit, & ibi subduxit oculis.*

CAPUT XXV.

DE TEMPORE APPARITIONIS ET Duratione Cometarum.

UT plagam incertam habent Cometæ, ita tempus etiam s. apparitionis s. durationis certos sibi terminos nondum habet

G

præ-